

cipium ♀. et ♄ huius zodiaci semper reperiuntur in æquinoctiali circumlo, siue coluro æquinoctiorū primi mobilis, neque principium ☉ & ♀ in coluro solstitiorum. Mouetur namque posterior hic Zodiacus sub illo priori paulatim versus signa orientalia prioris Zodiaci, hoc est, versus signa illa, quæ posterius oriuntur, ascenduntue supra Horizontem. Vt si ex æpli causa signum ♀ noni celi hoc momento temporis adæquate, & directe suppositum esset signo ♀ primi mobilis, immediate post hoc ingrederetur sub signū ♀ primi mobilis; & postquā præcise, ac adæquate fuerit sub signo ♀. statim ingrederetur sub signum ♀, & ita deinceps subiret pedetentim alia, ac alia signa, quæ posterius oriuntur; donec iterum directe signo ♀ primi mobilis supponeretur. Caterum hac ratione Zodiacus noni celi simpliciter mouetur ad motum primi mobilis ab oriente in occidentem, quia nullum datur temporis inflans post aliud, in quo non magis ab oriente recedat, & ad occidentem accedat, vt manifeste deprehenditur in quavis stella: Non autem simpliciter ab occidente in orientem, quoniam nunquam magis ab occidente recedit, aut ad orientem accedit, sed potius contrarium apparet; Dicitur tamen secundum quid moueri quodammodo ab occidente in orientem, quoniam etiam si occidentem nunquā deserat, & orienti appropinquet, accedit tamen ad signa orientalia, vt dictum est. Idem quoque prorsus dicendum est de alijs spheris, vt de celo octauo, & orbibus septem planetarum. Quannus enim continue trahantur a primo mobili ab oriente in occidentem; sensim nihilominus sub Zodiaco primi mobilis mouentur, petendo signa orientalia, seu quæ posterius oriuntur, & occidunt. Verbi gratia, cum Sol subijt totum signum ♀ primi mobilis, incipit mox ex ♀ sub signum ♀ succedere, & ita deinceps, donec iterum subeat signum ♀.

HOC IGITUR pacto verum est, Celos omnes moueri ab oriente in occidentem, & rursus omnes orbes infra primum mobile moueri ab occidente in orientem, id est, ad signa orientalia; Non autem simpliciter, cum nullum detur inflans, in quo ab occidente orientem versus recedat, sed tantū sub alijs signis orientalibus reperiantur, vt manifeste sensu, & instrumentis percipimus. Vt enim simpliciter aliquid ex vno loco in alium dicatur moueri, necesse est, vt illum relinquat, & ad hunc accedat. Cum igitur nunquā videamus Solem, vel alias stellas, occidentem deserere, & ad orientem accedere, non poterimus dicere, eas simpliciter